



TE KURA
KAUPAPA
MĀORI
O MANAWATŪ

06 354 2900
www.tkkmom.ac.nz
88 Rhodes Drive, Kelvin Grove,
Palmerston North 4412



Tēnā koutou e te whānau o Te Kura Kaupapa Māori o Manawatū,

E mihi ana kia koutou i tēnei wā.

Ko te reo rāhiri tēnei ki a tātau katoa, whakatau mai rā ki ngā pānui o te wiki. Ka ruku kawau ana tātau ki te wāhanga nei, e koa ana te ngākau ki te kite i tō tātau kura e hihiri ana i ngā kaupapa, mai i te whīra hākinakina ki te atamira o te kapa haka, tae rawa ki te akomanga.

He wiki nui tēnei kātahi anō ka pahure, mō te hunga kaimahi me ngā taiohi. Kua kitea te kauhanganui i waenganui i te whakaputa ngao o te Kī o Rahi me ngā arotahinga ā-kura o te whakangungu pouako o te Pāngarau. Mā ēnei āheitanga e whai wāhi ai mātau ki te tipu tonu hei kura, e whakaū ana e tuku ana mātau i ngā akoranga kounga tiketike, ngākau nui tonu hoki.

E whai iho nei, he whakarāpopototanga o ngā kaupapa whakahirahira, me ngā kaupapa nui o tō tātau kura e tū mai ana. Ko ngā kōrero mai i te noho whakahirahira i ngā rangi whakatā, ki ngā mahi ūpoko pakaru a ō tātau pouako mō ngā pūrongo a ngā ākongā, he nui tonu ngā mihi me ngā whakanuitanga.

Kī-o-Rahi

I tutū te puehu ki te whīra Kī o Rahi o Tū Toa i ngā rangi whakatā kua pahure, nā ngā waetea o tō tātau kapa Kī o Rahi. He kaupapa whakahirahira i tū ki Tū Toa e whakakotahi ana i ētahi o ngā kapa Kī o Rahi o te Ūpoko o te Ika, ki te whakawai i ngā pūkenga o tēna, o tēna kapa, otira, i whakamaua ngā kākahu hoku o te kapa. Puhi ana te hanga o ā tātau taiohi e mau ana i ō rātau kākahu mō te papa tū waewae ā-motu. He mihi nui tēnei ki te ohu whakaako, ki a Pā Api rāua ko Pou Ata, me te kaiwhakahaere pūnaha, a Whaea Shilah mō tā rātau whakarite i te kaupapa nei. Ko tō rātau pono me tā rātau tuku i ō rātau anō wā whakatā e īia te kapa nei, e rite hoki ai ki te mura o te ahi. Kāore e horokukū te mihi a te kura whānui katoa.



Whakangungu Pouako

Nō te Tāite me te Paraire kua pahure, i mahi tahi ai ō tātau kaimahi ki te taha o Ruita Taiapa (He Whakaruruhau nō Te Hua Kawariki). I arotahi te whakangungu nei ki te Pāngarau, me te whakahāngai i ngā rautaki whakaako ki te marautanga hou o Te Marautanga o Aotearoa. E hīkaka ana ngā pouako ki te noho tahi anō ki a Ruita hei ngā wiki o te tau nei.

Waha Kōrero

Kia mau ki te rā: Paraire te 27 o Māehe. E pōwhitia ana koutou e te whānau whānui, kia piri mai ki te kaupapa ā-Kura o Waha Kōrero. He rangi whakanui tēnei i ngā reo me ngā pūkenga whaikōrero o ā tātau tamariki. Ka tīmata te rangi ki te Pōwhiri hei te 9:00am ki te kura, he whakatau i ngā Kaiwhakawā. Whāia, ka hūnuku atu te kura katoa ki te Kelvin Grove Community Centre mō te kaupapa matua o te rā. He kaupapa nui tēnei e whakatairanga ana i ngā kaikōrero nō ngā reanga katoa o te kura, e whakaatu hoki ana i te tipu o tō tātau reo mai i ngā pīpī paopao tae rawa ki ngā tuākana o te Wharekura. Tēnā tirohia te pānui whakaahua kei raro iho nei mō taipito kōrero anō.

Ngā Whakataetae Waha Kōrero

Rāhiri mai




PARAIRE 27 MĀEHE




9:00AM - TAKATŪ PŌWHIRI
Te Kura Kaupapa Māori o Manawatū

10:30AM - NGĀ PŪ KŌRERO (TAU 1-8)
Te Hōro o Kelvin Grove

11:30AM - NGĀ MANU KŌRERO (TAU 9-12)
Te Hōro o Kelvin Grove




⚠️ 6.12 Kia tā papakari, tu rangatira ia hei raukura mā Tona iwi.

Te Wānanga a Te Piringa


He maha ngā pōtae i whakamautia e ā tātau taiohi o te Wharekura i tēnei mutunga wiki, e whakaatu ana i tō rātau pono ki te kura. Mai i te whakataetae Kī-o-Rahi ki te wānanga a Te Piringa, i kitea ai te hanga pakeke i roto i ā rātou mahi ki te hāpai i te taha hākinakina, i te taha ahurea hoki. He mea whakamānawa te kite i ēnei tipu rangatira e tū māia ana me te ngākau pono. He mihi nui whakahirahira ki a Pā Autahi, rātau ko Pā Te Kauru, ko Pou Lala mō te tuku i ō koutou wā wātea kia whai wāhit ai ā tātau taiohi ki ēnei kura huna.

Whakatipu Rangatira

Nō te whakarewanga o Te Anga Whakatipu Rangatira i te Wiki Tuawhā, kua mīharo katoa mātou ki te kaha o te tū o ā tātau taiohi. I whakaritea tēnei kaupapa hei whakanui, hei whakatupu hoki i ngā pūkenga rangatira i roto i ā tātau tamariki, ā, e kitea ana te hā o te angitu i roto i ā rātou mahi. He mihi nui whakaharahara tēnei ki ngā taiohi katoa kua whakanuia mō ā rātou mahi autaiā. Ahakoa ko te ārahi i te haka, ko te tautoko i te teina, ko te whakaatu manaakitanga rānei i te papa tākaro, ko ēnei kohinga tīkiti te tohu o te manawa e tupu ana i roto i tō tātau kura.

Values Awarded	Number of Awards	Male	Female	Maori	Pasifika	Other
Ngā Ahuatanga Ako	172	73	99	167	0	5
Ngā Iwi	50	16	34	49	0	1
Ngā Tino Uaratanga	134	68	66	129	0	5
Raki	120	58	62	120	0	0
Rāwhiti	147	77	70	147	0	0
Te Ao	48	27	21	46	0	2
Te Ira Tangata	71	33	38	70	0	1
Te Reo	52	28	24	50	0	2
Tonga	145	48	97	129	0	16
Uru	115	62	53	115	0	0
Total No. of Awards (NOTE: Some Awards may include more than one type, these are counted as a single Awards in this total.)	1054	490 (46%)	564 (54%)	1022 (97%)	0 (0%)	32 (3%)

Indicator (Gender)



Kura Kapa Ngahau

He whakamaumaharatanga tēnei, ka tū te huihui tuatahi mō tā tātau Kapa Haka Kura Ngahau hei tērā wiki! Ka mihi nui katoa mātau ki te kite i te huhua nui o koutou ka tae mai ki te hui nei, kia whakarite ai, kia whakawhanaunga ai mō Tangata Rau!



Kia Māori: Poitarawhiti

Nō mātau te māngarai ki te whakatairanga i ngā kōrero kua mana ngā rōpu e whā mō te whakataetae e tū mai nei. E rua ngā rōpu Tau 3 ki te 4, kotahi te rōpu Tau 5 ki te 6, ā, kotahi te rōpu Tau 7 ki te 8. He mihi nui tēneu ki te whānau, ki ngā kaimahi me ngā ākonga wharekura kua tū mai hei kaiwhakaako, kaiwhakahaere rōpu. Ka whakapā kōrero whakatairanga atu mātau ki ngā whānau o ngā taiohi i tohu hiahia mai.

THE PINA BAIORA 6
WENEREI MEI 6 2026

KIA MĀORI
HE REO, HE MANA, HA TĀKARO

He kaupapa a Kia Māori e aronui ana ki te whakarite i ngā wāhi hākinakina ā-kura e whakanuia ai, e whakatairangatia ai te reo Māori, ngā tikanga me te whanaungatanga mā roto mai i te tākaro (me te wairua whakataetae).

May 6th 2026

9am - 3pm

Vautier Park, Te Papaioea

REGISTRATIONS: OPEN MARCH 9TH
CLOSE MARCH 15TH

whakataetae
POITARAWHITI

Ngā Rēhitatanga Hākinakina mō ngā wāhanga 2 me te 3

E tuwhera ana ēnei mō te Poitarawhiti me te Poitūkohu mō ngā wāhanga 2 ki te 3. Ka tukuna moatatia he pānui me ngā pito kōrero rēhita, rangi tākaro me ngā utu, hei te tīmatatanga o te wiki.

Ngā Taonga Mahue

Kua whakakao nuitia mai te maha o ngā poraka kura, hū me ētahi atu kākahu i ngā wiki torutoru kua pahure. Mēnā e mahue ana tō tamaiti ētahu o ōna kākahu, tēnā pēka mai ki te tari ki te tiro tiro i te ipu rawa mahue. Kua hiahia katoa mātau kia hoki ngā taonga nei ki ō rātau ariki ake!

Ka nui tā mātau mihi ki tā koutou tautoko nui i tō tātau kura me ngā kaimahi i ia rangi.

Nāku noa, nā,

Kelly Nicklin



Tēnā koutou e te whānau o Te Kura Kaupapa Māori o Manawatū,
E mihi ana kia koutou i tēnei wā.

Nau mai ki tā tātou pānui mō tēnei wiki. As we move deeper into the term, it is heartening to see our kura humming with activity, from the sports field to the kapa haka stage to the classroom.

The past week has been a significant one for our kaimahi and taiohi alike. We have balanced the physical energy of our Kī-o-Rahi preparations with the academic focus of our recent Pāngarau PLD. These opportunities allow us to continue growing as a kura, ensuring we are delivering the best possible education for our taiohi.

Below is a summary of our recent highlights and important upcoming Kura events. From the success of our weekend noho to the hard work of our pouako, there is much to acknowledge and celebrate.

Kī-o-Rahi

Our Kī-o-Rahi National team took to the field at Tū Toa this past weekend for an invitational scrimmage. It was the perfect opportunity to get some high-intensity game time under their belts and debut our brand-new kit! The team looked sharp and ready for the national stage. A huge mihi to the coaching staff, Pā Api and Pou Ata, and management, Whaea Shilah, for organising this opportunity. Their dedication to our taiohi, giving up their personal time on the weekend to ensure our team is prepared for the national stage, is greatly appreciated by the whole kura whānau.



Professional Development

Last Thursday and Friday, our kaimahi worked alongside Ruita Taiapa (Facilitator from Te Hua Kawariki). This PLD focuses on Pāngarau and aligning our teaching practice with the new Te Marautanga o Aotearoa, which becomes compulsory at the beginning of 2027. Kāiako look forward to more sessions with Ruita over the coming year.

Waha Kōrero

Save the Date: Friday 27 March. We warmly invite all whānau to join us for our whole kura Waha Kōrero, a special day celebrating the voices and oratory of our students. The day will begin at 9:00 am with a pōwhiri at the kura to welcome our guest judges, after which the entire kura will travel to the Kelvin Grove Community Centre for the main event. This is a significant occasion featuring kaikōrero from across all levels, showcasing the growth of our reo from our pīpī paopao right through to our senior taiohi in the wharekura. Please see the poster below for further details.




Te Piringa Noho

Our Wharekura taiohi certainly wore many hats this past weekend, demonstrating incredible commitment to the kura. From competing in the Kī-o-Rahi scrimmage to participating in the Te Piringa noho, they showed a real maturity in balancing their sporting and cultural obligations. It is heartening to see our leaders-in-the-making stepping up with such dedication. A big mihi to Pā Autahi, Pa Te Kauru and Pou Lala for spending their own time to ensure our taiohi have these opportunities.

Whakatipu Rangatira


Since we introduced Te Anga Whakatipu Rangatira in Week 4, we have been overwhelmed by the way our taiohi have stepped up. Te Anga Whakatipu Rangatira was designed to acknowledge and grow the leadership pūkenga within our tamariki, and the results speak for themselves. A massive mihi to all our taiohi who have been recognised for their efforts. Whether it's through leading a haka, supporting a teina, or showing manaakitanga in the playground, these tickets represent the growing heart of our kura.

Values Awarded	Number of Awards	Male	Female	Maori	Pasifika	Other
Ngā Ahuatanga Ako	172	73	99	167	0	5
Ngā Iwi	50	16	34	49	0	1
Ngā Tino Uaratanga	134	68	66	129	0	5
Raki	120	58	62	120	0	0
Rāwhiti	147	77	70	147	0	0
Te Ao	48	27	21	46	0	2
Te Ira Tangata	71	33	38	70	0	1
Te Reo	52	28	24	50	0	2
Tonga	145	48	97	129	0	16
Uru	115	62	53	115	0	0
Total No. of Awards (NOTE: Some Awards may include more than one type, these are counted as a single Awards in this total.)	1054	490 (46%)	564 (54%)	1022 (97%)	0 (0%)	32 (3%)



Kura Kapa Ngahau

A friendly reminder that we have a muster for our Kura Ngahau kapa haka group next weekend! We would love to see as many of you there as possible as we begin our preparations and whakawhanaungatanga for Tangata Rau!



Kia Māori: Poitarawhiti

We are excited to announce that we have secured four teams for the upcoming tournament! We have two Tau 3-4 teams, one Tau 5-6 team and one Tau 7-8 team. A huge mihi to the whānau, kaimahi, and wharekura students who have stepped up to coach and manage. We will make contact with the whānau of the taiohi who expressed interest to relay further details.

Sports Registrations for Term 2-3

Sports registrations are open for Netball and Basketball for Term 2- 3. A pānui will be sent out early next week with registration details, game days and sports fees.

Lost property

We have accumulated a large number of school polar fleeces, shoes, and various other items of clothing over the last few weeks. If your taiohi is missing any of these, please drop by the tari to check the lost property bin. We would love to see these items reunited with their owners!

Ka nui tā mātau mihi ki tā koutou tautoko nui i tō tātau kura me ngā kaimahi i ia rangi.

Nāku noa, nā,



Kelly Nicklin